



सानसेयारि **“बड”सा”** खरीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’, स्ल’बाथा आबो दावबायारि थावनि, पार्क
बाइदिनि स्मायाव लिन्नाय लिन्दिदां दैथाय हर्/
सानसेयारि **“बड”सा”** खरीर्लाइया स्वेबस्त्रानावै
फोस्वावगेन/
बड’सायाव लिन्दिन्नायनि हुदा खलाम,
“बड”सा” खरी नोथां, जों बयबो आंगो खलाम।
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 23 May, 2025 Kokrajhar, BTC, Assam ★ Vol.-35, Issue No.58 ★ R.N.I. Regd.No. 40994/91, Assam Govt.Regd.No.IPRD.40/2006/3, Rs.8/-

मंगलदैआव गोबां
बिबानि अरुनाचलनि
जौ सिलिंखार
खालामदों

मंगलदै, 22 मे: मंगलदैआव
गोबां बिबानि आयेन बेरेखायै
बोखांनो मोन्नाय अरुनाचलनि
जौफोरखौ दिनै खुंथाइआ
सिलिंखार खालामबाय।
बिजिरसालि आरो दरं जिल्ला
कमिसनारनि बिथोन बायदियै
दरं जिल्ला एक्साइस
बिफानआ आयेन बेरेखा
जौफोरखौ सिलिंखार
(□ 6 बिलाइआव)

कक्राझार जिल्लायाव बिजेपि दोलोनि गोख्रोंथिनि सायाव खौरां लाफैदों मन्थि अशक सिंघालआ

कक्राझार, 22 मे: बिटिसि
बिसायखथिया 3 दानसोनि
उनावनो खुंजासिगोन। बेखौ
नोजोर होनानै मोनफ्रोमबो
दोलोफोरा बिसायखथि
बादायनो थाखाय जानजि
खाफ्रानायखौ नुनो मोनदों।
बेबायदिनो बिजेपि दोलोयाबो
फै गौ बिटिसिनि
बिसायखथियाव गोख्रोडै
बादायलायनो थाखाय बिटिसिनि
दरबा जिल्लायाव माखासे
(□ 6 बिलाइआव)



‘ग्रीन बड’लेण्ड मिसन’नि गेजेरजों पाटगावनि मैथाबारिआव 1500 बिफां फुलि जगायदों

जायखि-जाया गामि एबा क्लाबफोरा 3 बिधानि बांसिन हा थाब्लानो
‘ग्रीन बड’लेण्ड मिसन’नि गेजेरजों हाबा मावनो हागोन: लरेन्स इस्लारी

कक्राझार, 22 मे: ‘ग्रीन
बड’लेण्ड मिसन’ नि गेजेरजों
बि टि आर खुंथाया बि टि आर
ओनसोलाव ‘मेन मेड फरेस्ट’
सोरजिनायनि थांखि लादों।
‘ग्रीन बड’लेण्ड मिसन’नि
गेजेरजों पाटगावनि
मैथाबारिआव 1500 बिफां
फुलि जगायदों। बि टि आर



खुंथाया बड’लेण्डखौ सोमखोर बड’लेण्ड मिसन’नि जोहैं
गोथां खालामनाय आरो ‘मेन आथिखालाव गोबां गामि आरो
मेड फरेस्ट’ सोरजिनायनि लाइमोन क्लाबफोरखौ
थांखिजों आजावनाय ‘ग्रीन (□ 6 बिलाइआव)

बाक्सायाव बुहुमनां समबाय साननि फालिथायाव बिमानि थाखाय बिफां फुलि गाइदों



बुहुमखि समबाय आफादिनि
हेफाजाबाव बिमानि मुडव
‘फांसे बिफां’ मुनि मोनसे
हाबाफारिखौ मावफुंनय
जादोंमोन। दिनैनि बे
हाबाफारियाव बाहागो लानानै
नाबार्डनि जिल्ला जौगाखां
मावख’गिरि हेमन्त बरुवाया
बिफां फुलि गायजेनदोंमोन।
नाबार्डनि मावख’गिरि या
हेफाजाबारि सोमावसारनायखौ
सिगांथिं लांनो थाखाय गुबुन
(□ 6 बिलाइआव)

मुसलपुर, 22 मे: नाबार्डनि
बान्जायनायाव दिनै बुहुमनां
हेफाजाब होलायनाय सप्ता
फालिनायजों लोब्बा लाखिनानै

बाक्सा जिल्लायावबो बिफां
फुलि गायनाय हाबाफारि खुंनाय
जादोंमोन। जिल्लानि
बांगालिफारायाव सोनाब बास्का

सालबारियाव सानसोरां स्पर्टस क्लाबनि 27 थि गायसनथाइ सान फालिदों



भबानिपुर 22 मे: सालबारिनि
गेलेमु आफाद ‘सानसोरां स्पर्टस
क्लाब’नि 27 थि गाइसनथाइ

सानखौ दिनै सालबारि
फरायसालिमानि गेलेग्रा
फोथाराव खुंनाय जादों। दिनैनि

खुंजानाय गाइसनथाइ सानाव
जागायजेन्नायावनो फिरफिला
बिरहोयो सानसोरां स्पर्टस
क्लाबनि लेडाय आफादगिरि
आरो एबसुनि सालबारि दख’रा
आफादिनि आफादगिरि ससिन्द्र
बसुमतारीआ। मख’नो गोनांदि,
फिरफिला बिरहोनाय
जायगायाव एबा सालबारि
फरायसालिमा गेलेग्रा फोथाराव
सानसोरां स्पर्टस क्लाब आरो
सालबारि दख’रा एबसुनि जुथाइ
बानजायनायाव खुंजाबाय थानाय
13,15 आरो 17 बोसोर सिंनि
हौवासा-हिनावसाफोरनि
थाखाय दानसेनि पुटबल
फोरेंथाइ मावबादाआव बाहागो
लाफैनाय सोलेंथाइ लाग्राफोर
(□ 6 बिलाइआव)

बरपेटायाव आफ्रिकान शवाइन फिभारनि गोसारनाया बांगसिनो दड



नबरपेटा, 22 मे: बावैसो बरपेटा जिल्लानि चेड रेभिनिउ सारकेलनि
सिडव थानाय निजसेड गामिनि बामफारआव आफ्रिकान शवाइन
फिभारजों सन्दरेजानाय अमानि बेराम जानायफोरा बांगसिनो दड।
बुधबार खालि माखासे अमाफोरा बेराम जानानै थानायाव जुनाद
फाहामगिरिफोरनि मोनसे हानजाया थानानै अमा फिसिग्राफोरनि
न’आव फैना आन्जादिनि थाखाय सेमपलखौ लानानै गुवाहाटीसिम
दैथायहरो। फारसेथिं बांसिनथारै सन्दरेनायखौ होबथानो बरपेटा
जिल्लानि गंग्रोमबो हाथाइ आरो (□ 6 बिलाइआव)

गुबुन-गुबुन दोलोनिफ्राय 50 निबो बांसिन सुबुंफोरा बिपिएफआव हाबफैदों

तामुलपुर, 22 मे: तामुलपुर
जिल्ला बिपिएफनि
मावखुलियाव दिनै बेलासि
समाव मोनसे जयेनिं हाबाफारि
जानानै थाडे। तामुलपुर जिल्ला
बिपिएफनि आफादगिरि
बिबानाव थानाय सिनाकान्त
बसुमतारिनि आफादगिरि मासि
सामलायनायाव खुंनाय जयेनिं
मेलाव नुजाथिफैदोंमोन बारग’
मन्थि एबा बिपिएफ दोलोनि
गागि दैदेनगिरि रिहन दैमारि आरो
तामुलपुरनि बारग’ एमएलए
इमानुवेल मुसाहारि। दिनैनि बे



जयेनिं मेलाव तामुलपुर
जिल्लानि गुबुन गुबुन
ओनसोलजों लोगोसे नलबारि
जिल्लानिफ्राय बिटिआरआव

सोसनजानाय मोन 10 गामिनि
बिजेपि आरो इउपिपिएल
दोलोखौ नागारनानै सा 50 निबो
बांसिन सुबुंफोरा दिनै बिपिएफ

दोलोयाव हाबफैयो। दिनैनि बे
जयेनिं मेलाव खौरांगिरिफोरजों
मोगा-मोगि लानायाव बारग’
मन्थि रिहन दैमारिआ बुंथियोदि,

हरिसिङाआव इउपिपिएलनि सा 200 मावथिफोरा बिजेपि दोलोयाव हाबदों



उदालगुरि, 22 मे: बिटिसिनि
बिसायखथिया
खाथिनिफ्राय खाथियाव
सफैनाय लोगो लोगोनो
आथिखालाव गुबुन गुबुन
राजखान्थि दोलोफोरा गुबुन
गुबुन जायगाफोराव मेल मिथिं
खुंनानै गाव गावनि दोलोनि
गोख्रोंथिखौ दिन्थिनायाव नारा-

नाथा नाजानायखौ नुनो मोन्नाय
जादों। बेबायदिनो दिनै 22 मे
खालाराव भारतीय जनता पार्टी
उदालगुरि जिल्ला कमिटिनि
गासलागावआव थानाय
मावख’नि लांगोनायाव दिनै
गेदेरस्थार जयेनिं हाबाफारि लानाय
जायो। बिजेपि उदालगुरि
जिल्ला कमिटिनि आफादगिरि

सुनिल कुमार बसुमतारिआ
आफादगिरि मासि
सामलायनायाव दोलोनि जयेनिं
हाबाफारिखौ दैदेनो जिल्ला
कमिटिनि गाहाय नेहाथारि अजय
हाजरिकाआ। मखनो गोनांदि,
हरिसिङा मन्दलनि दैदेनायाव
खुंनाय बे दोलोनि जयेनिं
हाबाफारियाव हरिसिङा
(□ 6 बिलाइआव)

बियाबनि इउपिपिएल दोलोनि
गोबां मावथिफोरा भारतीय
जनता पार्टी एबा बिजेपि
दोलोयाव हाबफैयो। बेनि
अनगायैबो बिपिएफ आरो
एजिपिनि माखासे अनजिमानि
सुबुंफोरजों लोगोसे इउपिपिएल
दोलोनिफ्राय 200 निबो बांसिन
मावथिफोरा बिजेपि दोलोयाव
दिनै जयेनिं खालामो। हरि सिंआ
बियाबनि बिस्वजित राभा आरो

सन्जय देवनाथमोननि दैदेनायाव
खुंनाय बे जयेनिं हाबाफारियाव
दोलोनि मावथिफोरा बिजेपि
दोलोनि खुंथाइ आरो दोलोनि
निति आदर्शफोरखौ मोजां
मोन्नानै बिजेपिआव जयेनिं
खालामदों होन्नानै
खौरांगिरिफोरनि सिगाडाव
(□ 6 बिलाइआव)

फैगौ बिटिसि बिसायखथियाव
हाग्रामा महिलारिनि दैदेनायाव
बिपिएफ दोलोया 100
जौखोन्दो सरकार दानायनि
थाखाय थियारि जानानै दं।
हाग्रामा महिलारिआ चिफ
जानाया रोखा जाबाय होन्नानैबो
बिथाडा फोरमायथिबावो।
बिपिएफ दोलोया बिटिआरआव
मोनसे गोख्रों दोलो जाबाय
होन्नानै राइज्यो-राजाफोरनि
गोसोयाव आरो आबेगआव
सान्नाय फैबाय। जायनि थाखाय
बिटिसिनि राइज्यो-राजाफोरा
सानफ्रामबो रोजा-रोजा बिपिएफ
दोलोखौ मदद होनो थाखाय
ओं खारबोगासिनो दं।
बेराफारसेथिं बिथाडा
आथिखालनि बिटिसिनि चिफ
प्रमद बरखौ थांखिनानै बुंदोंदि,
प्रमद बर’आ सासे थगायसुला
आरो गावनि खोथा
होनायफोरखौ मोनसे बो
(□ 6 बिलाइआव)

धेमसा गुदि फरायसालियाव बारग’ फरायसा, फरायसा, बिमा-बिफाफोरनि जथुम खुंदों

गुनत्सबआव ‘ए प्लास ग्रेड’ मोन्नाय
फरायसालिनि फोरोंगिरिफोरखौ मान बाउदों



भबानिपुर, 22 मे: बजाली सोलेंथाइ खोन्दोनि
सिडव थानाय सरुपेटानि साखाथि गनकफारनि
971 नं धेमसा गुदि फरायसालियाव दिनै
फरायसालिनि बारग’ फरायसा, बिफा-बिमाफोर,
फरायसाफोरजों लोगोसे फरायसालियाव खामानि
मावनाय फोरोंगिरि आरो सामलाय आफादिनि जथुम

खुंफुंनय जादों। बेखौ लोब्बा लानानै धेमसा
गुदि फरायसालिनि सामलाय आफादिनि लेडाय
आफादगिरि सिम्मुनि देबीनि आफादगिरि मासि
सामलायनायाव खुंनाय जथुम्मानि मेलआव
फरायसालिनि गुबुन-गुबुन बिथिनि जौगाथाइ,
सुबुं सम्पद (□ 6 बिलाइआव)

फेरीनिफ्राय सासे सुबुडा गावनि जिउखौ फोजोबना लानो ब्रह्मपुत्रआव बारज्रुमदों

गुवाहटी, 22 मे: दिनै बृहस्पतिबार खालि बेलासि समाव एम भि
भागिरति मुनिं गंसे फेरीनिफ्राय सासे दावबायारिआ गावनि जिउखौ
फोजाबना लानो ब्रह्मपुत्र दैमायाव बारज्रुमो। गुवाहाटीनिफ्राय सा
गुवाहाटीनि रजादुवारसिम थानाय फेरीयाव बेलासिनि 3:20
रिंगासोआव बे दुखुनांथाव जाथाइआ सोमजिदों। मिथिनो
मोन्नाय बायदियै, दावबायारिखौ नलबारि जिल्लानि दहुदिनि
थागिरि गलक राजबंसि (60) होन्ना सिनायथिनाय जादों।
सुलुनिफ्राय मिथिनो मोन्नाय बायदियै, जाथाइनि सिगां समाव
गलक राजबंसिखौ गोजोन थासारियाव नुनो मोन्नाय जादों।

फेरीनि डेकआव बियो मोनसे फिसा बान्दिलखौ गालांदोंमोन,
जेराव आसामनि गिवि मन्थि डो हिमन्त बिश्व शर्माखौ
थांखिनानै आखायजों लिरनाय मोनसे सुसाइट नटजों लोगोसे
बिनि सेन्देल आरो नोगोद 300 रां दंमोन। फारसेथिं बे
जाथाइखौ लानानै बिफाननो गोख्रेंनो फोरमायथिहरनायनि
उनावनो एसडिआरएफ, एनडिआरएफ आरो बोखांग्रा हानजाखौ
गोख्रेंनो जाथाइसालियाव थिसनदों। खौरां मोन्नाय बायदियै
गलक राजबंसिनि गोथै सह’खौ नागिरसंबाय थानाय
जादोंब्लाबो बोखांनो मोन्नाय जायाखै।□

सुजुगिरिनि खोलोम

गोबां आबाद दिहुन्थायाव

हान्था-मेलानिबो राहा थानांगौ

राइजो जानायाव बयहाबो गावनि फार्से थि आरो आबुं जानायखौ हास्थायो। हास्थायनाय लुबैनायनि गुदियावनो दं थाना थानायनि थागिदा, नंखरखौ माय-दै, रां-रुपाजों ग्रोम ग्रोम खालामनानै नंखराव बिजि-फिसा उयुन जोलैफोरनो थाना थानायनि लामा बेखेवनानै होलांनयनि थांखि। आबाद गाहाय हादतनि साफ्रोम आबादारिफ्रा नंखरखौ माय-दै, रां-रुपाजों ग्रोम-ग्रोम खालामनानै रांखान्थियारि बिथिडे गेरेमसा दानो हानायनि गुदियावनो दं आबाद मावनाय आरो दिखानायाव मोन्नांगौ बाइदिसिना खाबु आरो राहा। आबाद दिखानायाव मोन्नांगौ राहा आरो खाबुफोरखौ मोनफुंनो हायोब्लासो आबादारिफ्रा गोबां आबाद दिहुन्नायाव मखंजाथाव मावफारि लानो हागोन। जौनि आबादारिफ्रा गुबैयै बाइदि बिथिनिफ्राय खाबु मोन्नांखौ । मोनरोडैयाव आधिकालनि थासारि आरो आबहावयाजों गोरोबनानै आबाद दिखानो आरो मावनो हायाखै। गोनोखोयारि आदोबजों गोबां दिहुनथाय आरो बाडय हायावनो आबाद दिखानानै मावना जानायाव गोब्राब हेंथा लाबोदों।

आबादयानो थाना थानायनि गुदि राहा आरो गाहाय दिहुनथायब्लाबो आबाद दिखानायनि बागै आबादारिफोरनो थि समाव गोगो जोलै बेगर जगायनाय, दै सारनायनि राहा होनाय, मुलि दावालि हासार जगायनानै होनायनि थि खालामनो हायोब्लासो आबादारिफ्रा आबाद दिहुन्नायाव मखंजाथाव बिहोमा लाबोनो हागोन होन्नानै सान्नो हागौ। सरकार बिथिनिफ्राय थि समाव थि राहा लायोब्लासो आबादनि गेजेरजोंबो आधिकालाव थाना थानायनि राहा जगायनो हायो होन्नाय मोन्थोरा मोकथां महर मोन्नो हागौ।

आबादनि सायावनो अराय सम सोनारनानै थाप्रा आबादारिफ्रा गोगो आरो गोबां आबाद दिहुनथाय दिखानो हायोब्लासो गाव हारिं थानानै थानायजों लोगोसे हादतनि फार्सेबो मदत जगायनो खाबु मोनगोन।

बोथोर मोनसेयाव दैज्लांनि माय आबादलंजों नंखर फोलोमनायनि मिजिं खालामनांगौया गोब्राब। बे बिथिडैनो माय आबादजों लोगोसे दैज्लांनि दैज्लां मेसेंनि मेसें बाइदिसिना मैगं-थाइगं, फिथाय-सामथायजों लोगोसे सबाय, बेसर, फाथो रोखोम रोखोम आबाद मावनाय आरो दिखानायाव सरकारि बिथिनिफ्राय लानो गोनां राहाफोरखौ आबादारिफोरनो जगायनानै, बोसोन, सुबुरुन होनायनि मावफारिफोरखौ बिफानारि मावफारियानि गेजेरजों होनायनि राहा खालामनांगौ। बाइदिसिना आबादनि फार्से जेबो रोखोमनि रोंगंथि गैयै आबादारिफोरनो बोसोन सुबुरुन होनायजों लोगोसे आबाद दिखानायाव नांगौ जानायफोरखौ गुबुन राइजोफ्राव आबादारिफोरनो बाडाय बेसेनै मोनफुंनो हानाय बादि जगायनायनि राहा लानांगौ लोगोसे आबादारिफोरनो जगायनाय मुवाफ्रा थि समनि गेजेराव मोनफुंनो हानाय बादियै जानांगौ।

दिनैनि फान्जामुधि

राशि बाइदियै मुंनि गिबि हांखो

मेषः अ ल

वृषः ऊ ब (उ ए इ)

मिथुनः क छ (ड घ)

कर्कटः ड ह

सिंहः म ट

कन्याः प ट (ण ष)

तुलाः त र

वृश्चिकः ब न

धनुः ध भ (ढ़ फ)

मकरः ख ज

कुम्भः ग श (स)

मीनः द च (ख ज झ)

मेषः मानिबाफोर आसा खालामनाय दडबा जाफुंसारगोन। गोसोखौ गोजोन मोनगोन। मोजां सान।

वृषः दिनैनि दिनआव रंजा-खुसि खालामनानै थानो हागोन। गोजोन्नायखौ मोनगोन। मोजां सान।

मिथुनः दिनैनि दिनआव माबाफोर खस्ट मोन्नाय खामानि मावनांनो हागौ। गोसोखौ हमथा।

कर्कटः जेखि खामानि मावा खहाफोर जानो हागौ। जेखि मावा सांग्राडे मावनांगोन।

सिंहः बेफार फालांगिआव मुलाम्फा खालामनो हागोन। फालांगिरिनि थाखाय गाहाम सान।

कन्याः मावा मोनसे मावनो थाखाय अधिकार मोन्नो हागोन। गोसोखौ गोजोन मोनगोन। मोजां सान।

तुलाः जेखि खामानि मावा धैज्य हमनानै मावनांगोन। सान्नाया जाफुंनो हागौ।

वृश्चिकः गोसोआव मानिबा अहंखार सान्नाय सोमजिनो हागौ। गोसोखौ हमथानांगोन।

धनुः नखर जानायाव माबाफोर जेना नुजानो हागौ। गोसोखौ शान्ति गैयै मोनगोन।

मकरः जेखि जाया बेरामाव गोग्लैनो हागौ। देहाखौ सांग्राडे लाखिनांगोन।

कुम्भः बबेबा गोजान जायगायाव दावबायहैनो मोन्नो हागौ। गोसोखौ गोजोन मोनगोन।

मीनः मोजां मोनलायनायनि गेजेराव सोमोन्दोआ गोर जोगोन। अनलायनाया बांगोन। गोजोन मोनगोन।

गिबि मन्थि ड॰ हिमन्त बिश्व शर्मा आरो कंग्रेसनि दैदेनगिरि गौरभ गगैनि गेजेराव बाश्त्रानि दावहा

डेरागाव, 22 मे: आसामनि गिबि मन्थि ड॰ हिमन्त बिस्व शर्माआ बुधबारआव बुडोदि, कंग्रेसनि एमपि गौरभ गगैआ गावनि पाकिस्तानाव दावबायनायखौ लालकृष्ण आडबानि बायदि बिजेपिनि गागि दैदेनगिरिफोरनि दावबायनायजों रुजुनाया आपेल आरो कमलाजों रुजुनाय बादि। बेनि गोखों फिनजाथाय होना गगैआ दाबि खालामोदि, गिबि मन्थिआ बिथा गैयै बाश्त्राजों गाग्लोबनाय, राजखान्थियारि फावथिना आरो बदनाम खालामनाय अभियाननि मदत लादों। 2014 आव गिबि खेव लकसभानि थाखाय सायख जेजानायनि उननिफ्राय

बिथाड गासिबो मावख आरि प्रटकलखौ मानिना सोलिदों होन्नाबो बुडो। लकसभायाव कंग्रेसनि दैदेनगिरि गगैनि सायाव हिमन्त आरो बिजेपिआ दाय जाबसिनबाय थादों आरो बिथानि बिसि एलिजाबेथ कलबार्नआ पाकिस्ताननि संगालि एजेन्सि आइएसआइजों लोब्बा दड होन्ना बुंदों। गिबि मन्थि शर्माआ थानाय रबिबाराव दाय जाबसिन्दोंमोनदि, गगैआ आइएसआईनि

बिएसएफआ जम्मु सिमनायाव थानाय पाकिस्ताननि गंबा आउट पस्टफोरखौ सिसिंखार खालामदों

जम्मु, 22 मे: सिमना रैखाथि हान्जा (बिएसएफ) आ मोनसे हाबाफारियाव जम्मु सिमनायाव थानाय गंबा पाकिस्ताननि अउट पस्टफोर आरो उतखारिफोरनि मोनसे लन्वपेडखौ सिलिंखार खालामो। बिएसएफ कामान्डेन्ट चन्देश सनाआ पिटिआइ-भाषानो फोरमायोदि, जों बिसोर (पाकिस्तान) नो फिन्नाय होदों। लोगोसे बिसोरनि माखासे सम्पतिफोरखौ सिलिंखार खालामना होदों। बेनि अनगायै मस्तपुरआव थानाय बिसोरनि मोनसे लन्वपेडखौबो सिलिंखार खालामो। जौनि नायबिजिरनायनि जाहोनाव बिसोरनि गंबा आउट पस्टफोर आबुडे सिलिंखार जायो आरो जों बिसोरनि माखासे बांकारखौबो सिलिंखार खालामो। बिथाडा बुडोदि, अपारेशन सिन्दुरनि उननिफ्रायनो पाकिस्तानआ लान्थियै नोगोरारि ओन्सोलफोर आरो भारतआरि फर्सथानफोरखौ नोजोर हागामिनो दड। थानाय 10 मेयाव

रेन्जारफोरखौ गिखंथाव खहा खालामदों। सान्थिआ बुडोदि, गुलि गावनाया बन्द जेजानायनि उनावबो माखासे घन्टाफोरसिम आउट पस्टफोरनिफ्राय जोखोम जानायफोरखौ देहा फाहामसालियाव लांनाय एम्बुलेन्सफोरखौ नुनो मोन्दों। बिबानगिरिआ अपारेशन सिन्दुरनि समाव आइजो जवानफोरनि

बिजिरगिरि केम्पेयाह समाशेखरआ मणिपुर हाइकर्टनि 9 थि गाहाइ बिजिरगिरि महरै समाय-खिरा लाबाय

इम्फल, 22 मे: बिजिरगिरि केम्पेयाह समाशेखरआ मणिपुर हाइकर्टनि 9 थि गाहाइ बिजिरगिरि महरै समायखिरा लायो। आरो बृहस्पतिबारखालि गावनि मावख नि बिबानखौबो सामलायो। मणिपुरनि राइज्यो बैंगिरि अजय कुमार भल्लाआ इम्फलआव राज भवननि दरबार हलआव खुंनाय समाय-खिरा लानाय हाबा फारियाव समाय लाहैयो। बेनि

सिगां 2025 नि 20 मेयाव भारतनि हादतगिरिया बिजिरगिरि समाशेखरआ कर्नाटका हाइकर्टआव बिजिरगिरि महरै खामानि मावयोमोन। बिथान्खौ मणिपुर हाइकर्टनि गाहाइ बिजिरगिरि महरै थिसनो। सिगाखव सुप्रिम कर्टनि केलजियामआ गाहाइ बिजिरगिरि डी. कृष्णकुमारनि इम्पेन्डिं आजिरा लानायखौ नोजोर होनानै बिखौ थिसनो आर जे गाबदोंमोन, जाय 2025 नि 21 मेआव मावख नागरगोन। हाबफारिनि उनाव गाहाइ बिजिरगिरि समशेखरआ गावनि गोदान बिफावनि फारसे मिजिंथिनाय फोरमायो। मख नो गोनांदि, आथिखालाव मणिपुर हाइ कर्टआव मख जाथाव केसफोर गोग्लैसोना दं जेराव 3,335 निखुइ बांसिन केसफोरा दंफायो। बे जिंगाखौ रेजें खालामनानै गाहाइ बिजिरगिरिया खोथा होयोदि, बियो बे केसफोरखौ गुदि-बिथा होगोन आरो बेफोरखौ थाबैनो बोखानो नाजागोन। बे समायखिरा लानाय जथुम्मायाव मणिपुर हाइ कर्टनि बिजिरगिरि, गाहाइ नेहाथारि, मणिपुर सरकारनि रैखाथि बोसोनगिरि, पुलिसनि डिएसपि, देरसिन नोगोरारि, पुलिस सान्थिफोरा गुबुन गुबुन आफादफोरनि थान्दैफोरजों लोगोसे नुजाथिदोंमोन।

म्यान्मारनि एनइउजिआ मणिपुरआव गावसोरनि सा 10 मावसुमाफोर बुथारनायखौ नायबिजिरनो दाबि दैखांदों

गुवाहाटी, 22 मे: मणिपुरनि चन्देल जिल्लायाव थानाय भारत-म्यान्मार सिमना खाथियाव आसाम राइफल्सनि गेजेरजों सा 10 म्यान्मारनि हाथियार लाग्रा केडाफोरखौ बुथारनायनि केसआ गोथौ जालाखे, जेराव म्यान्मारनि सरकार, नेशनेल इडनिति गभर्नमेन्ट (एनइउजि) आ भारतनि दाबिनायखौ हेंथा होनानै नायबिजिरनो दाबि दैखाडो। एनइउजिखौ 2021 आव

म्यान्मारआव सान्थिआरि खुंथाय बोख्लायनायनि उनाव खुंथाय

दिल्ली-एनसिआरआव अखाया गोहोम खोख्लैदों

गोदान दिल्ली, 22 मे: बोथोरनि थासारिया थानाय बुधबार बेलासियाव सोलायनो हमो। दिल्ली, पान्जाव, हरियाणा, उत्तर प्रदेश, हिमाचल प्रदेश, मध्य प्रदेश आरो राजस्तानजों लोगोसे सा भारतनि माखासे रज्योफोराव साननि समाव गोखों सानुं ओखरो आरो बेलासियाव बार बारनानै अखा हायो। माखासे

राइज्योफोराव सार-अन्थाइबो गोग्लैयो। फारसेथिं अखाया गरमनिफ्राय रेहाय होयो, बेराफारसे सार-अन्थाइया सुबुंफोरखौ गोबां ख हा खालामो। बे समाव बिफां आरो वालफोर गोग्लैनायजों गोबां ख हा जायो। बेनि जाहोनाव उत्तर प्रदेशआव सा 12 सुबुंफोरनि जिउ गोमायो। बोथोरनि गोहोमा उरं जाहाजफोरनि हान्था-मेलानि सायावबो गोग्लैदों। दिल्ली आरो खाथि-खालानि ओन्सोलफोराव थानाय बुधबार बेलासियाव गोखों बार आरो अखाया गोबां जेना खालामो। बेनि गेजेरजों बजिराबाद रडआव बिफां बायना होसिन्नानै सासे बाइक सालायग्रांनि जिउ गोमायो। उत्तर प्रदेशनि आलादा आलादा बाहागोफोराव बुधबारखालि बोथोरखौ आलादा आलादा थासारियाव नुनो मोन्दों।

लिमारिकनि रावजों: दंखा

फैलाव ब्रह्म तामुलपुर

1

बिटिचिनि बिसायख थि दावहायाव देरहानो जुनै बिजेपिया आखायाव कामान-रायफल लानानै बर फोरखौ गावख्लायनो थियारी जादों।

नाथाय बर दैदेनगिरिफोरा दावहानि भटार फाइखिफोरखौ बिजेपि, कंग्रेख, एपिबि, बिपिएफ आरो इउपिपिएल जेरावबो आलाइ सिलाइ रानदो ?।

बिटिचिखौ लाबोनाय समाव हेंथा होप्रा अबर फोरा बर आरो अबर नि दोहौ लाबोफनसिगोन।

बर फोरा गुबुननि भटारखौ फोथायनानै गावनि भटार जा एसे दड बेखौबो खोमानानै दावहायाव गात्रियै जेनसिगोन।

बर दैदेनगिरिफोर गावनिखौ खनथुमनो नागरनानै गावनिखौ फेजेननो जुनैसो गुबुननि हेफाजाब निगरिदों।

2

सानैसो बर फोरा बिजेपिनि दै दोहौआव ना हमनो दैयाव बारसोमदों।

बिटिचियाव बिजेपिनि दोहौवादि अबर निसो मोनसे दोहौ बुजिनायाव गोरोन्थि खालामदों।

बर फोरनि जाम्बा आखुवावनो बिटिचियाव बिजेपि-अबर मैखोम सरखारा फैमारसिगोन।

गोरोबथाजों मोनबोनाय बर मैखोम इसुफोरा बे सरखारजों एरायखेनानै दोनजासिगोन।

गावनि थै होनानै लाबोनाय बिटिचिखौ थारैनो बर बेरेखाफोरनि आखायाव हमारनो बिसोर सानमारदों।

3

गावनि नखौ लुनो नागरनानै गोबां बर दैदेनगिरिफोरा बिजेपिनि न आव दंखा थानो राजि जादों।

दैमारी-मुसाहारीमोनहा बिपिएफनि नखौ सिफायनाय बायदि इउपिपिएलनिखौबो सिफायनो लादों।

दोहोन आरो राजखान्थिनि बेरामा मानसिनि गोसो दन्दरखौ जेब्ला खुलि खुलि जायो,

गावनि आंगो आरो बाहाइ बाहागिफोराबो बनि नोजोराव सुथुरफोर बायदि जायो।

गोहो आरो दोहोननि निचायाव दोबैनानै प्रमदआ हाग्रामानि,अन्जलीया दैमारी-गर्जननि सुथुर बायदि जादों।

4

बिएचि,बिटिचि आरो बिटिआर लाबोनो सोमावसारनायाव बर फोरा द्लामै खहा जानांदोंमोन।

खहा जानायखौ आबु खालामफिननो जुनैसो बर गोरोबथाफोरखौ खालामनाय जादोंमोन।

बर हरिनि जायै जायै बर नि गोबां दैदेनगिरिफोरा देरबाय।

नाथाय बर नि मावनो समावसो खायसे दैदेनगिरिफोरा खारखोमाबाय।

बे अबर मैखोम बिजेपिजों थानानै बर नि मा मोजां मावनो हागोन होन्नानै नोंसोर सानदों ?

5

हा, हारि आरो बर नि राव हारिमुखौ रैखाथि होनो जुनै बर गोरोबथाजों राजखान्थि गोहोखौ लाबोनाय जादों।

बर नि थै होनानै मोनबोनाय गोहोखौ बाहायनो समाव बर दैदेनगिरिफोरखौ आवा-फावा जानाइ नुदों।

जाय गोहोआ बर नि राव-हारिमु आरो राजखान्थि गोहोखौ बर निफ्राय सेख नो नाजाबाय,

बिटिचियाव अबैधयै दखल खालामनाय हा-हु आरो गावसोरनि रावखौ फर्सनो नजाबाय,

सानगोथे बर नि खायसे दैदेनगिरिफोरा बर बेरेखा बै गोहोजोंनो सरखार दानो साखा फारा खालामदों।

AFFIDAVIT

I, SMT. DWISHRI BASUMATARY, aged about- 42 years, D/O.- Late Parsuram Basumatary, permanent resident of Vill- North Shukanjhora, P.O.- Daloabari, P.S-Kokrajhar and Dist- Kokrajhar, Assam, do hereby solemnly affirm and declare as under:-

1. That, I am a permanent resident of above noted address and a bona-fide citizen of India by birth.

2. That my actual/correct name is “DWISHRI BASUMATARY” which is recorded in my Pancard Vide no.- BXSPB7638D, Aadhaar Card Vide No.-2758 7067 8966 and all other relevant documents.

3. That, I am the absolute owner and possessor of land measuring: 0B-3K-11Ls Dag No.-215... and Patta No.- 102 which is situated at Village- Narabari, under Kokrajhar Revenue Circle, Kokrajhar, wherein my name and surname has been recorded as “JUNU BASUMATARY” instead of “DWISHRI BASUMATARY”.

4. That, I do hereby declare that “JUNU BASUMATARY” and “DWISHRI BASUMATARY” is the same and one identical person, who is none other else but myself. This is true to the best of my Knowledge, belief and information.

5. That, this declaration is made by me to ascertain the above stated facts and for avoiding the confusion regarding my name and surname and to submit it before the concerning authority for doing needful purpose accordingly.

All the above statements are true to the best of my knowledge, belief and information and nothing has been concealed therein.

अपारेशन सिन्दुरनि उनाव पिएम मदिआ गिबि खेब बर्डार ओन्सोलाव सौहैदों

गोदान दिल्ली, 22 मे : 7 मेआव भारतआ पाकिस्तान आरो पिकेआव अपारेशन सिन्दुरखौ फिन्नाय होदोंमोन, जायनि उनाव पाकिस्तानआ भारतनि सिमना ओन्सोलफोरव इनजों गग्लोबनो नाजादोंमोन। आथिखालाव पाकिस्ताननि गासै इनफोरखौ भारतयारि डिफेन्स सिस्टेमआ सिलिखार खालामदोंमोन। अपारेशन सिन्दुरनि उनाव गहाइ मन्थि नरेन्द्र मदिआ गिबि खेब सिमना ओन्सोल बिकानेरआव दावबायगासिनो दं। पिएम मदिआ बिकानेरआव बानायफिन्नाय देशनक रेलवे स्टेशनखौ बेखेवो। बेजों लोगोसे 26 रोजा कौटि रनिखुइ बांसिन बेसेननि माखासे जौगाखां बिथारिफोरखौबो



पिएम मदिआ अन्थाइ खाम्फा गायसनगोन। गावनि बिकानेर दावबायनाय समाव पिएम मदिआ बिकानेरनि देशनकआव थानाय करणी माता मन्दिरावबो फुजा खालामो। सुलुंनि बायदिल्ला, बिकानेरनिफ्राय 40 किल'मिटार जान्थाइनि

पाकिस्ताननि बहावलपुरव जेश-ए-महम्मदिन गहाइ मावख'खौ भारतआ अपारेशन सिन्दुरनि समाव सिलिखार खालामदोंमोन। बेबायदियाव पिएम मदिनि बिकानेर दावबायनायखौ मोनसे गोखों इसाय महरै नोजोर होनाय जादों।

गोदान दिल्ली, 22 मे : पाकिस्ताननि सिन्ध राइज्योनि टांड जाम गामि खाथियाव 100 बोसोर गोजाम गंसे शिव मन्दिर दं, जायनि हाखौ माखासे सुबुंफोरा आइन बेरेखायै दखल खालामना लादों। मोनसे हिन्दु हारिनि थान्दैआ पाकिस्ताननि सरकारनाव आइन बेरेखा दखल खालामनायखौ होबथानो खावलायदों। सशेल मिडियाआव मोनसे भिडिअ पस्ट खालामनाने दरावर इत्तेहाद पाकिस्ताननि गहाइ शिवा काछिआ बुडोदि, मन्दिरआ मुगा मोनसे एबा 100 बोसोरनिबो बाउसिन गोजाम। माखासे सुबुंफोरा मन्दिरनि खाथि-खालानि हाखौ आइन बेरेखायै दखल खालामदों आरो आइन बेरेखा लुनाय हाबाफोरखौ जागायदों। मन्दिरथिं थांनाय लामाखौबो होबथादों। मख'जाथाविद, दरावर इत्तेहादआ



मोनसे आफाद, जाय पाकिस्तानआव हिन्दु समाजखौ दैदेनो। गावनि भिडिअयाव काछिआ बुंदोंदि, कराचिनिफ्राय 185 कि:मि: गोजाम टाण्ड जाम गामि खाथियाव शिव मन्दिर आरो

मन्दिरनि खाथि-खालानि 4 एकड़ हाखौ मोनसे समिटिआ सामलायो। बिथाइ बुंदों बे हायाव आवग्रिना लाफ्राफोरा आइन बेरेखायै दखल खालामबाय। मन्दिरनि जारिमिनारि गोनांथिखौ नोजोर होनाने थांनाय

बोसोराव सिन्ध हेरिटेड बिफाननि मोनसे हान्जाया बेखौ अजद

पिएम मदिआ 23 मेआव इन्भेस्टमेन्ट 2025 खौ बेखेवगोन



गुवाहाटी, 22 मे : इन्भेस्टमेन्टफोरनि समिट 2025 नि गिबि खोलोबखौ 23-24 मेयाव गोदान दिल्लीनि भारत मन्डपमआव खुनाय जागोन, जेराव गहाइ मन्थि नरेन्द्र मदिआ बे

गहाइ हाबाफारिखौ बेखेवगोन। सा-सान्जा ओन्सोलनि जौगाखां बिफानआ एफआइसिसि आरो इन्भेस्ट इन्डियानि हेफाजाबजों बे समिटिखौ खुंदों, जाहाथे सा-सान्जा भारतनि इन्भेस्टमेन्ट, फालांगि आरो सोलोखान्थियारि जौगाखांनयखौ दिन्थिनो हायो। बे हाबाफारिनि थांथिया ओन्सोलखौ भारतनि फालांगियारि मिरु महरै गायसन्नाय। सासे गागि डनिर बिबानगिरिया बेनि सायाव बुडोदि, सा-सान्जा ओन्सोला गोखैयै फालांगिनि थाखाय मोनसे गोदान सिमा महरै आवगायागसिनो दं। बे शिखर सम्मेलनआ शोयार ग्रिनफिल्ड भेन्वार्स आरो बाजारखौ फुवारनो थाखाय मोनसे मख'जाथाव जौसां होयो। आसामनि गिबि मन्थि हिमन्त बिश्व शर्माआ राइज्योनिफ्राय मोनसे गोजों थाखोन थान्दै आफादखौ दैदेनगोन, जेराव मोनसे गोखों थांथि लानायनि बिथांथि लादों।



गोदान दिल्ली, 22 मे: मिरुआरि नायबिजिरग। एजेन्सिफोरा दिल्लीयाव आइएसआइनि स्लिपार नेटवार्कखौ सोराडाव लाबोनाने थांनाय दानाव नेपाल हादतनि सासे एजेन्ट आरो बनि हेफाजाबगिरिखौ ग्रेप्टार खालामदोंमोन, जायखौ अनसारुल मियां अनसारि आरो अखलाक आजम मुडै सिनायथिनाय जादोंमोन। 3 दाननि गोबावसिन सोलिनाय अपारेशननि

उनाव जम्मु-काश्मीरनि पेहेलगाम उत्तखारि गग्लोबनायनि सिगां बिसोरखौ ग्रेप्टार खालामनाय जादोंमोन। बे अपारेशनआव दिल्ली पुलिसनि स्पेशल सेलआबो दंफायोमोन। अनसारुलखौ दिल्लीनि हटेलनिफ्राय बै समाव ग्रेप्टार खालामनाय जादोंमोन, जेब्ला बियो पाकिस्तानआव खारलांनो थांथि लानाने दंमोन।

दिल्ली पुलिसआ बे दानावनो चार्जसिट थिसन्दोंमोन, जायनि उनाव ग्रेप्टार खालामनाय सानै आइएसआइ एजेन्टआ तिहार जेलनि बेंखनाव दइ। खौरांनि बायदिल्ला, नायबिजिरग। एजेन्सिफोर आरो पुलिसआ ग्रेप्टार खालामनाय अनसारुलनिफ्राय भारतीय सान्थि आरो सान्थि हान्जाजों लोब्बा थांनाय माखासे सिक्रेट फोरमानलाइ बोखांनो हादों। अनसारुलखौ आइएसआइआ बे फोरमानलाइखौ लामा बानायनानै पाकिस्तानाव दैथाय हस्रो बिथोन होदोंमोन। अदेबानि अनसारुलआ सोंथि खालामनानै मिरुआरि नायबिजिरग। एजेन्सिफोरा रान्विनफ्राय अखलाक आजमखौबो ग्रेप्टार खालामदों।



देहरादुन, 22 मे: देहरादुनआव थांनाय सानब्रैआव सा 10 बांलादेशीखौ पुलिसआ दैथायहरफिनो। थांनाय मंगलबारआव पाटेलनगर एरियानिफ्राय हमनो मोन्नाय साबा बांलादेशीफोरखौ पुलिसआ गावसिनि हादतआव डिपर्ट खालामो। फारसेथिं गुबुन एरियाफोरवबो भेरिफिकेसन हाबाफारिया गोखेंसिन जायो। बिसोरनि बेयाव सौहैनय आरो गामिफोराव थांनायखौबो नायबिजिरनाय जादों। बेनि गेजेरावनो गोबां बांलादेशीफोरा हावफैखोमाना दइ होन्ना आशा खालामनाय जादों। बेनि अनगायै दुनसिम सौहैनय आरो जायगानि फोरमानलाइ बानायग। हान्जाफोराबो सांग्रां जाना दइ होन्ना आसा खालामदों। दुन पुलिसआ गासिबो थांना एरियाआव गोखों नायबिजिरनाय जादों। थांनाय मंगलबारव देहरादुन पुलिस आरो एसटिफनि जुथाय नायबिजिरनायाव साबा बांलादेशीफोरखौ हमनो मोनो, जायफोरखौ थांनाय बुधबाराव हादतआव दैथायहरफिनो। देहरादुन पुलिस आरो एसटिफआ पाटेल नगर एरियानिफ्राय सान्त्रै आइजो आरो सासे हौवा सुबुंखौ बेंखनाव लादों। सोंथि सीनाय आरो नायबिजिरनायाव साबा सुबुंखौ बांलादेशनि नोगोरारि होन्ना फोरमान मोन्नायाव उनाव बिसोरखौ मिरु सरकारनि बिथोन

बायदियै देहरादुन पुलिसआ डिपर्ट खालामो। बेनि सिगां थांनाय 18

SRIMANTA SANKARADEVA UNIVERSITY OF HEALTH SCIENCES
(A State University of the Govt. of Assam)
Narakasur Hilltop, Bhangagarh, Guwahati-781032, Assam
Phone: 06026177313 (O) E-mail: ssuhs_assam@yahoo.in Website: www.ssuhs.in
No.SSUHS/184/2025/3770

EDUCATIONAL NOTICE

ENTRANCE EXAMINATION FOR ADMISSION INTO POST BASIC B.S.C. NURSING COURSE IN THE INSTITUTES OF ASSAM FOR THE SESSION 2025

In pursuance of the Assam Gazette Notification No. MER. 206054/786 dated 07-11-2023 and Notification No. MER. 488929/19 dated 26-07-2024, the Entrance Examination for selection of candidates for admission into Post Basic B.Sc. Nursing Course in the Institutes of Assam for the session 2025 is going to be held on 20-07-2025 at Guwahati. Online Application Forms shall be available on University website: www.ssuhs.in from 02-06-2025 to 30-06-2025. The distribution and reservation of seats shall be according to the directives of the Government of Assam. There is no Govt. seat for Post Basic B.Sc. Nursing Course. The online application Form must be filled up after carefully going through the instructions given along with the Form.

The requisite entrance examination fee (non-refundable) shall have to be paid by the candidates available in the online application portal. However, the confirmation of payment in the application portal will be available after 72 hours of successful payment. Examination fee is exempted for PwD (Divyang) category of candidates having disability of 40% and above.

Details of the Entrance Examination including eligibility criteria and requirements are available at the University website: www.ssuhs.in.

Admit Cards will be available online at www.ssuhs.in (application portal) from 07-07-2025 which can be downloaded after log in.

Candidates are strictly advised to keep record of the Application Number and Password used by them while submitting the online form, without which they will not be able to download Admit Cards.

However, the applicants may call the Help Line No. 7977259728/ 8108014947 for any assistance.

Controller of Examinations
Srimanta Sankaradeva University of Health Sciences

DIPR /D/BSA4423-May-25

No. UDB/Tender /01/2022-23/

SHORT NOTICE INVITING TENDER

Scaled tender affixing a non- refundable Court fee stamp of Rs. 8.25 (Rupees eight & twenty five paisa) only with a validity period of 180 Days which will subsequence to be converted and drawn up in the printed of F-2 form are invited from the registered contractors of Class –II and Class –I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 16/05/ 2025 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const of Drinking water supply at Odola Kashibari under 15ASFC	5,00,000.00	Rs.500.00	3(three) months from the issue of Formal Work Order
2	Imp & sand gravelling from Chandana 8 No line to Kulpurpura at Chandana Bagan under Tamulbari VCDC in Udalguri District	9,50,000.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 23/05/2025 to 16/05/2025 in the office of the undersigned on payment.

Sd/-Block Development Officer
Udalguri Development Block

IPR(BTC)/C/2025-26/466

No.EE (Agri.)/Koj/BTC/Tech.2/2025-26/665

SHORT NOTICE INVITING TENDERS

Scaled tender affixing non refundable court fee of Rs. 8.25 (Rupees eight and twenty five paisa) only are invited in plain papers from the Govt, registered contractors of Agriculture Department in class I, II & III category, according to their eligibility for submitting tenders for the work stated below. The tender will be accepted up to 3.00P.M. on 29-05-2025 and will be opened on the same date and place at 3.30 P.M.

Sl. No.	Name of works	Value of works (Approx.) (Rs.)	Time of completion of works.	Earnest money.
1	Civil work for SDAO's office building at SDAO office, Bijni, Chirang district	9.30.420.00	30 days	2 % (1% in case of S.T./ S.C./ M.O.B.C./ O.B.C.).
2	Construction of Approach (Surrounding building) and Masonary Drain at SDAO office, Bijni, Chirang district	15,74,791.00	30 days	

Detail N.I.T. may be seen in all working days during office hours in the office of the undersigned.

Sd/-Executive Engineer (Agriculture),
Kokrajhar Division, BTC, Kokrajhar

IPR(BTC)/C/2025-26/459

Date: 21/05/2025

PUBLIC NOTICE

No. SSA-15015/73/2024-ESTABLISHMENT-Sarba Shiksha Abhiyan (SSA) I/1075869/2025

In pursuance to the advertisement published vide No. SSA-15015/73/2024-ESTABLISHMENT-Sarba Shiksha Abhiyan (SSA) I/786820/2024 dated 25.10.2024, it is information to all concerned candidates that the result of Skill Test for the post of Electronic Data Processor under Samagra Shiksha Axom held on 08/02/2025, 10/02/2025 & 11/02/2025 is uploaded in the official website at <https://ssa.assam.gov.in> and candidates can check their results in the official website at <https://ssa.assam.gov.in> The qualified candidates are requested to appear in the interview before the State Level Selection Committee at 10.00 am on 29.05.2025 in the State Mission Office, Samagra Shiksha Axom, Kahilipara, Guwahati-19 with original certificates/ testimonials & experience certificates.

समग्र शिक्षा

Samagra Shiksha

DIPR /DF/BSA26823-May-25

Sd/-Mission Director
Samagra Shiksha Axom
Kahilipara, Guwahati-19

NOTICE				
It is general information that the following vehicles were seized in connection with smuggling of timbers, until now there is no claimants against the seized vehicles. Hence, it is a final notice for the concerned to claim if any within one month from the publication of this notice, otherwise the unclaimed seized vehicles will be confiscate as per guideline of Section 49 (B) under Assam Forest Manual 1891 amended. The list of unclaimed seized vehicles is as follows:				
Sl No.	Offence Report No.	Date of seized	Vehicle Details	Custody
1	RR/84	10.03.2023	Tata Winger, AS15C/3340	Runikhata Range
2	RR/78	18.12.2023	Tata Yodha, Eng no. MAT4646621SJ06693	Runikhata Range
3	RR/23	30.05.2023	Tata Magic, Reg No. AS16C/0456	Runikhata Range
4	RR/29	23.10.2021	Tata Yodha, Eng No. MAT252701500236	Runikhata Range
5	RR/33	30.06.2023	Tata Yodha, Eng No. MAT464662NSF05592	Runikhata Range
6	RR/20	03.10.2021	Tata Mobile, Reg No. AS15C/3025	Runikhata Range
7	RR/60	30.01.2023	Auto rickshaw, Reg No. AS26C/0056	Runikhata Range
8	RR/51	17.09.2023	Sonalika tractor, Eng No. 3100EL133F351805F3	Runikhata Range
9	RR/68	11.10.2023	Power Track Tractor, Eng No. T77010010	Runikhata Range
10	RR/19	24.12.2023	Sonalika tractor, Eng No. 310FLU34C1277351F19	Runikhata Range
11	RR/22	17.10.2021	Swaraj Tractor, Eng No. 604001SDP13502	Runikhata Range
12	RR/83	07.03.2023	Tata Yodha, Eng No. MAT464662MSF07644	Runikhata Range
13	RR/36	11.07.2023	Tata Mobile, Eng No. P371XY900277	Runikhata Range
14	RR/59	19.10.2023	Tata Yodha, Eng No. MAT524005ERD0210	Khungring Range
15	RR/38	15.07.2023	Tata Yodha, Eng No. MAT46533MSC0564	Runikhata Range
16	RR/88	23.03.2021	Tata Mobile, Reg No. AS16C/2883	Runikhata Range
17	RR/49	24.11.2022	Power Track Tractor, Chassis No. 3228186	Runikhata Range
18	RR/65	30.11.2020	Tata Xenon, Reg No. AS01FC/0011	Runikhata Range
19	RR/58	10.11.2022	Tata Winger, Eng No. MAT423652MPB0852545	Runikhata Range
20	RR/26	13.06.2023	a) Tata Mobile, Reg No. AS19C/3984 b) Tata Yodha, AS15AC/6269	Runikhata Range
21	RR/07	18.04.2023	Bolero Pickup, Reg No. AS26C/7723	Bengtol Beat
22	RR/25	15.07.2022	Tata Yodha, Eng No. MAT524005DRP10145	Runikhata Range
23	RR/44	22.07.2023	Mahindra Arjun Tractor, Eng No. 006015226C1	Runikhata Range
24	RR/75	23.02.2022	Tata Mobile, Eng No. MAT472012F9D10885	Runikhata Range
25	RR/25	10.06.2023	Tata Magic, Reg No. AS16AC/0246	Runikhata Range
26	RR/49	16.09.2023	Sonalika Tractor, Chassis No.320JMP34C0277351J16	Runikhata Range
27	RR/37	10.07.2023	Tata Yodha, Eng No. MAT464662LSN10246	Runikhata Range
28	RR/32	29.06.2023	Mahindra Tractor, Eng No. CA6500012R1	Runikhata Range
29	RR/24	06.06.2023	Tata Ventur, Reg No. AS19E/7495	Runikhata Range
30	RR/79	19.12.2023	Tata Winger, Reg No. AS19C/2911	Runikhata Range
31	RR/21	20.07.2023	Mahindra 445DI, Reg No. AS15C/0263	Runikhata Range
32	RR/24	22.10.2023	Mahindra 445DS, Eng No. C0552117R1	Runikhata Range

DIPR /D/BSA4523-May-25

Sd/- Divisional Forest Officer,
Chirang Division, Kajalgaon

गंगा आरो जमुनानिफ्रायबो गोजामसिन दैमाया मा?

भारतखौ दैमा-दैसानि हादर होन्नानै बुंनाय जायो। बेयाव दौनै-दौंथाम नङ, गोबां दैमा-दैसा बोहैंयो। मख 'जाथावदि, भारतआव दैमा-दैसाफोरखौ बिमा महरै सिबिनाय जायो। सुबुंफोरा बेफोरनि फासैं फोथायनाय आरो सिबिनाय दङ। नाथाय बेनि गेजेराव मोनसे सौंथि सिखाडोदि, भारतनि बबे दैमाआ गोजामसिन? बे सौंथिनि फिन्नायाव गोबाडानो गंगा नङाब्ला जमुना दैमा होन्नानै बुंगोन। नाथाय बे फिन्नाया थार नङ। जौं बयबो मिथिगौ भारत हादरनि गंगा आरो जमुना दैमाया गोजामसिन दैमाफोरनि गेजेराव जौसिनआव दोनजायो। अदेबानि बे निफ्रायबो गोजामसिन दौंसे दैमा दङ। बेनो जादौं, सरस्वति दैमा, जाय जौनि हादरनि गोजामसिन दैमा। बेयो गंगा-जमुनानिफ्रायबो सिगांसिन जोनोम जादौंमोन। महाभारत आरो ऋकबेद बायदि धोरोम बिजाबफोरगव सरस्वति दैमानि



बागैं बुंथिनाय जादौं। नाथाय आथिखालाव बेनि दैखौ बुहुमआव गोगलैनाय नुनो मोना। रिपर्टनि बादिब्ला, सरस्वति दैमाआ गोबां बोसोर सिगां बुहुमनिफ्राय गोमालांदौमोन। नाथाय बै दैमानि दाहरआ दाबो हा सिङव दङ। बैदिक धोरोम बिजाबफोरगव बुंनाय जादौंदि, सरस्वति दैमाआ पुष्करआव ब्रह्मा सशेवरनिफ्राय नुजाथिदौं। जौं बे दैमानि मुंखौ खोनानो मोनो, नाथाय दिनैसिम बेखौं रवबो नुवाखैं। गनायथिनाय

बादिब्ला, प्रयागराजआव गंगा, यमुना आरो सरस्वति दैमाआ गोरोक्ज्लायो, बेनिखायनो बेखौ त्रिभेणी संगम होन्नाय जायो। बिगियानगिरिफोरनि बादिब्ला, संदान्नायाव मिथिनो मोन्दौंदि, हिमालयनि आदि बद्रिनिफ्राय लानानै कच्छसिम 5000 कि:मि: गोलाव हा सिङव सरस्वति दैमानि बाहागो थानो हागौ। सरस्वति दैमाआ दासिमबो हारियाणा, पान्जाब आरो राजस्तानि गेजेरजौं हा सिङव

बोहैंयो होन्नानै स्टडीआव बुंनाय जादौं। बिगियानगिरि आरो भुमखौराडरि संदानगिरिफोरनि बादिब्ला, बबेबा मोनसे समाव बे ओन्सोलाव गिख्ंथाव बांघ्रि मावदौंमोन, जायनि जाहोनाव हा सिंनिफ्राय हाजोआ जौराखे आरो सरस्वति दैमानि दैआ हा सिङव गोदोलाङो। अदेबानि आथिखालावबो सरस्वति दैमानि नेसौंनखौं घग्गर-हकरा दैमानि महराव दङ होन्नानै बुंनाय जादौं।□

भारतीय रेलवेनि बिफाया सोर आरो गिबि रेलआ माब्ला खारजेन्दौंमोन



भारत हादतआव रेलगारिआ हान्था-मेलानि बयनिखुइबो मख 'जाथावसिन आरो खम भारानि दावबायग्रा बिजौं। आथिखालाव रेल सिबिथाया जौगासिनबोदौं। बेनि गेजेरावनो गोबां सुबुंफोरा सानफ्रोमबो रेलजौं दावबायसैं। नाथाय गोबांआनो भारतीय रेलनि बिफा होन्ना बुंजानाय सुबुंनि बागैं मिबथिया। भारतीय रेलनि सल'आ 1853 आव जागायदौं, जेब्ला गिबि पेसेन्जार

रेल गारिया मुम्बाइ (बै समनि बम्बे) निफ्राय ठानेसिम खारदौंमोन। बेयो गासैं 34 कि:मि: गोलाव जान्थाय खारलांदौंमोन। ब्रिटिश फालांगिरि एबा इस्ट इन्डिया कम्पानीनि खुंगिरिफोरा जागायनाय रेल सिबिथायनि थांखिया गिबियाव भारतनिफ्राय गोथां मुवा बायदिफोरखौ इउरपआव दैथायहरनायनि थाखाय जाहाज गाथोनसिम गोख्रैयै सौहैंहोन्नानै ब्रिटिश साम्राज्यखौ मुलाम्फा

मोनहोनायमोन। बे थांखिखौ लर्ड देलहावसीनि दैदेन्नायाव लानाय जादौंमोन, जायखौ जेब्लायबो भारतीय रेलनि हाथखि होन्नाय जायो। बिथाङ इंराजफोरखौ भारतआव रेलवे जागायनो गनायथि होदौंमोन। बिथाङ 1848 निफ्राय 1856 माइथायसिम भारतनि गभर्नर-जेनेरेल महरै खामानि मावदौं। डेलहावसीआ 1853 आव रेलवे मिनटसखौ जागायदौं, जेराव भारतीय रेलवेनि इयुननि

जौगाखानायखौ महर होदौंमोन। 1853 नि 16 एप्रिलआव भारतआव गिबि पेसेन्जार ट्रेन बम्बे (मुम्बाइ) आरो ठाणेनि गेजेराव खारदौं। ब्रिटिश इन्डियाआव टेलिकम, फालांगि आरो सामलायथायखौ बांहोनाय बिजौं महरै मोनसे हादतनां रेलवे नेटवार्क बानायनायनि लर्ड डेलहावसिनि नोजौरै मुलुगनि बयनिखुइबो गोहोम गोनांसिन रेल नेटवार्क नि मोनसे खालामनायनि निब गायसन्दौं। गिबि ट्रेनआ जाफुंसारनायनि उनाव गोबां माइल खुन्थिया गायसन्दौं, जायनि उनाव भारतनि गुबुन गुबुन हाबागोफोराव रेल लाइनफोर फेल जादौं। भारतीय रेलवे नेटवार्क आ गोख्रैयै अरलाङो। 19थि जौथायनि जोबथायाव रेलवेआ भारतीय जिउनि मोनसे मख 'जाथाव बाहागो जादौंमोन। 1947 आव भारतआ उदांसि जानायनि उनाव भारतीय रेलवेआव मख 'जाथाव सोलायनाय फैदौं।□

बिएसएनएलआ 23 निफ्राय 25 मेसिमाव वेलकाम अफार खुंगोन

प्रयागराज, 22 मे : सिभिल लाइन्सआव थानाय भारत फोनांजाब निगम लिमिटेड बाहायग्रा सिबिथाइ मिरुआव बिफाननि फ्रेन्चाइजि लाग्रा मोनसे फर्मनि गेजेरजौं 23-25 मेसिमाव मोनसे जर'खा वेलकाम अफार खुंगोन। बे समाव बिएसएनएलनि 40 रांनि सिम आरो 249 रांनि गिबि रिचार्ज खौ फ्रिआव होनाय जागोन। बे सुबिधाया गासैं बाहायगिरिफोरनि थाखाय जागोन। बेलकाम अफार मबाइल नाम्बार पर्टेबिलिटि (एमएनपि) नि गेजेरजौं सान 3 सिम गुबुन अपारेटरफोरनिफ्राय फेग्रा बाहायगिरिफोराबो मोनगोन। बे अफारजौं लोगोसे मोन्नाय गिबि रिचार्ज कुपनआ 45 सानसिम थागोन। बे समाव होनाय गिबि रिचार्ज



कुपनजौं इमार्जेन्सि सिबिथाइ फोरखौ बाहायनायखौ जागायनो हागोन। बे कुपननि गेजेरजौं गासैंबो टुजिबि डाटा आरो आनर्लिमिटेड समनि सुबिधाबो मोनगोन। बे बिएसएनएल कुपनआ 4 जि नेटवार्कनि सायाव सोनारग्रा कानेक्टिभिटी आरो फोनांजाबखौ मोन्नायाव मदत

खालामगोन। बे सिम कार्डखौ सोलिहोनो थाखाय बाहायगिरिफोरा गावनि आधार नाम्बारल'दिन्थिगोन। बिएसएनएलनि सुबुं फोनांजाब बिबानगिरि आशिष गुप्ताआ फोरमायोदि, बे हाबाफारिया गोरलैं जागोन, जायजौं बाहायगिरिफोरा जेबो जिंगा गैया जासे 4 नि

सिबिथाइनि मुलाम्फा लानो हागोन। गाहाइ सामलायगिरि बिके सिंहआ फोरमायोदि, जौनि गावनि आथिडाव गसंनाय भारत बिथांखिनि गेजेरजौं 4 जि नेटवार्क आ लान्थ्रियै साबसिन जालांगासिनो दं आरो 4 जि साबसिन कभारेजनि थाखाय मोन 19 जायगाफोराव उफ्रायै गोदान 4 नि टवार लागायनाय जादौं।□

रंजालि गथ'फोरनि सौरा

अनजालिनिसिम	मोदैनि बाना
.....	
<i>बिसुमा ब्रह्म</i> <i>गोमोबिल, द तमा</i>	मिलनी बसुमतारी ताक तारा, सिरां (बि टि सि)आसाम

निजोम समाव मिजिं लानानै- लोगो मोनगोननि मिजिंआव नौं अनजालिखौ लामा नायनानै सोनाबिथिं बै रोबै मोनहां मोनाबिलि सुदेमसि महर लानाय, सोनाब रोबै फैंसालिआव सानआ हरैफासैं लोहाबहां समसिम, नौं अनजालिखौ लोगो मोनैयाव- खुद्रिखांदौं रजे आंनि गोसो-गोबौंआ। नौं अनजालिनि जेबो गुपुर् मोनियाव दाहानि लैथोआव गब 'नानानै, फारनै मेगननिफ्राय बोहैंबोदौं फैसालि बोदोलानानै- फोरमायस' हाथि मोदैनि निजोरा। गैया दरसि गोसोआ खुगाखौ बेखेवनो जानाय गैया, लौनाय गैया उखैनाय मिथिया, गांनाय मिथिया फुर्निमा निजोम हर गेजेरनि आंनि खोमसि ख 'थायाव, जिउनि दुखु-दाहाखौ लानानै उन्दुप्प्रियाय समाव- देरानि मिजिं उखुमखौ बारलानानै उन्दुरोडै मेगननि लिंलानायाव गावदां अखाफोरनि महरखौ नुनानै, दरसि गोसोजौं गोसोखांदौंल'- अराय नौं अनजालिनि रैरुब महरखौ, गोसोखांदौं जेब्लाबो नौंनिल' गोदै राव। सानस' हायै दुखु-दाहाजौं बुंफबनाय आंनि गोसो-गोबौंआ खवलायदौं, नौं अनजालिखौ- फैफिनदो नौं आंनि जिउआव दासानसै नौं आंखौ फोथायखेबस', दङ आं नेनानै अरायनि थाखाय नौं अनजालिखौल'- बे जिउआव खालामनो, गावनि असे आंगो जिउनि॥

गोर्बौनि अनसेमानो

दाखालि हुरागासे नौं सोंबायबायदौंमोन- माबौरै दं? नख 'राव माबौरै ?? आं बोलो मोना-मोना आंनि खबर खोन्थानो माबौरै, सान्दौं आं- नौंनो फोरमायनायावबो आंहा माबा खैफोद? संखि-बानलुनि रोखोमसे दावहा, थाखा-फैसानि नेरलायलायनाय आरो सिमानि बेसेदि आय' बिदा फंबायमोनजौं। सिथलायाव गोथां थैफोरनि खांसोर मोनामनाय सैमाफोरा सोलास्तिब-सोलास्तिब उदै बुंजासे गोजोन मिनिंलानाय बिखौ नुना आय'आ खाफाला आखाय हमना बबा सिथलायावनो, आयआ माबा बुंगोन सान्दौंमोन जानांगौ नाथाय जौं रावबो खोनासङसै मुखुब जादौंमोन जौं नौंनिसो गोरोन्थि बिनिसो दाय आसि थुयै-थुयै जौं रावबो राव दाय गनायलाया, जौं गावजौं गाबनो गावस्रालायबाय आरो नै अनसेमा जौं गावस्रलायनायनिफ्रायनो मुखुब आंबो बिसोरबो- नाखेबलायनो गादबलायनो। दा आंनि बिदा फंबायमोना न'नि सोरगिदिं कमक्लिट-वाल होना एल, सि, सि ,एन बायदि जातनि सैमा फिना न' सिंनिफ्रायनो रायहरो- गुन्दा, लुस्सा, बैमान बायदि बायदि आं सैजो हाया-हाया न'आव सि-फैफिन्ना नौंनो फोरमायनो खोलोमल' गंसे दैबाय.. नौं फिन सानसे दा सौंफैफिनसै आं खोन्थानो रौंफिन्नाय नंलिया।

रिसार औंवारि
(जि.इउ.के. वि)

अनजालु सना-
दुखु दामोन नोंखौं नागरानायाव
हांमा दासुर नोंखौं अरायबो सिबिनो हायैयाव
गोसोयाव सानदौंमोन नोंखौं लानानै
रजु रुमु आलो गोजोन रायजो जालानो।
नाथाय दिनै आंनि मिजिंङ
गैलिया फुरायै जाफुंसारनायनि लामा।
गोरिब नङमोन रजे आंनि अननाया
गुबुंले नङमोन आंनि नोंखौं मोजां मोननाया,
अब्लाबोदि दिनै सौंसिनो हायै सोरनिबा हेंथायाव
आनग्रायनांबाय सिरियै नौंनि गोजानाव।
नौंनि सावगारि बिखायाव बोजबनानै
नौंनि फंक्रामबो रावफोरखौ गोसो खाडै खाडै
बोहैंबाय जेब्लाबो मेगनाव मोदै।
सान हर गोसो खाङो-
गोर्बो बुंजासे आंनि अननाया नोंखौंनो नागिर बायो
जीउ फैसालियाव साया मायाल' नुजाथि फैयो।
आदि रजे गोरिबनि फिसा
बोहैंथों सान हर मेगननि मोदैया
अब्लाबो आं नोंखौं बावनो हाया।

नेव्स्पोन्

मुश्री बिरखां नारजारि

सोमरखोर समायना महर मिथिंगानि सुबुंजौं मंगलिय फोलेरनि थागिबि बुर्लुबुथुर सेरफांनि, बयनिबो न'खर-न'खर बारि-बागान फिथाय सामथायनि, बेयावनो थायो जौं अराय जुगामि। गेलेयो रंजायो मिनि खुसि गुबुनजौं जाया दावराव-दावसि, बयनिबो न'खराव रंजा-खुसि दं सुखु गोजोननि बाखि। डिमापुर, माइबां, खासपुर नेरसोन बर' राजाफोरनि। गोथार थानसालि कामायख्या बर' राजा नरकासुर लुनाय। गोमोराखै दासिम बैसागु दमासि रंजानाय सिबियो दासिम बाथौ बोराय। गामिनि देरफुनाय लाइमोन सिख्लाफोरनि सालखुन्थाजौं खुखाव-खुखाव सि दानाय। गामसा, दख 'ना, आरनाय बेजौंनो नुयो जौंखौ देलाइ-मालाइ बेसे गोमोथाव बर'नि हारिमुवालाइ।

फैमाल थांबाय

फैमाल थांबाय आं आरो नौंनि मोजां मोन्नाया। जाथाय गावखौनो गाव आं जेबो बुजिनो हायाखिसै, नाथाय नौंदि आंखौ जोबोर मोजां मोनदौंमोन। नाथाय आं नौंनो अन्नाय आरो मोजां मोन्नायखौ नौंनोनो होजोबबायमोन। नाथाय नौं आंखौ नागारनायाव आं जोबोर दुखुबो जादौं। नाथाय आंखौ दा नौं हास्थायब्लाबो मोन्नाय नंला नाथाय दा आंनो रावखौबो नंला नौंजौं गारजानायनि जुनै सना। नाथाय नौं आंखौ गारनायाव पाप नांबाय। आरो नौं आंनि लाइजामाव इन फजिबोल लिरनायाव आं गाबनो ओंखारदौं।

दैदेन ब्रह्म
फरायसालि- भावरागुरि बिन्या
खाता गोजू फरायसालि
गामि- कफरागाव

माहाम देहानि राहा

माखासे गोब्राब जेंनाफोरनि थाखाय हायजेंआ जर 'खा मुलाम्फा गोनां

मैगं- थाइगंनिक्राय लानानै चाहा बानायनायसिम गासैयावबो हायजेंखौ बाहायनाय जायो। बे रोदानि मैगंआबो सावस्त्रिनि थाखाय जोबोद मुलाम्फा गोनां। बेखौ जायोब्ला गोबां गोब्राब बेरामफोरनिक्राय रैखा खालामनो हायो। मुलियारि गुनफोरजों बुंफबनाय हायजेंआ गुजुनाय आरो गोबां गोब्राब बेरामफोराव गोहोम गोनां। बेयाव थानाय निउट्रियेन्टफोर जेरै- आयरन, केलसियाम, आयडीन, क्ल'रिन आरो भिटामिनफोरा देहाखौ बायदि रोखोमनि बेरामफोरनिक्राय उदां लाखियो। हायजें जानाया बेफोर जेंनाफोरनि थाखाय गोहोम गोनां: **1. एसिडिटि:** जुदि जाखानायनि उनाव एसिडिटि आरो बिखा खामनायनि जेंनाफोर दंब्ला हायजें जानांगौ। बेयो एसिडनि बिबांखौ सामलायनायाव मदत खालामो। बेनिखायनो जानायनि 10 मिनिट उनाव कापसे हायजेंनि रोसि लोंनांगौ।

2. गोबानायखौ बाडाय खालामनाय: हायजेंआ गोबानायखौ बाडाय खालामनायाव गोहोम गोनां।



बेनि जानाया फुंनि बेरामनि लैखोनफोरखौ बाडाय खालामनायाव मदत होनो हागौ। **3. डाइजेशन:** हायजेंआव जिंजरल मुंनि मोनसे बाय 'एक्टिभ कम्पाऊन्ड थायो, जाय डाइजेस्टि भ एन्जाइमफोरखौ थुलुंगा होनानै दोगोनखौ सावसिन खालामनायाव मदत खालामो। बेयो गेस, एसिडिटि आरो बुखारनाय बायदि जेंनाफोरनिक्राय रैखा मोननायाव मदत खालामो।

4. होबथानो हानाय गोहो: हायजेंआव एन्टिअक्सिडेन्ट गुनफोर थायो, जाय देहानि होबथानो हानाय गोहोखौ बांहोनायाव मदत खालामो आरो सन्देरनायनिक्राय रैखा

खालामनायाव मदत होयो। **5. जरायाव सानाय:** हायजेंआव एन्टि-इनफ्लेमेटरी गुनफोर थायो, जाय जरायाव सानायखौ बाडाय खालामनायाव मदत खालामो। बेखौ जायोब्ला एबा जरायाव बुनाय आरो सानायखौ बाडाय खालामनो हायो। **6. पीरियड:** हायजेंआ पीरियड सानायखौ खम खालामनायाव मदत खालामो। हायजेंआव थानाय होबथाग्रा गुनफोरा सानायखौ बाडाय खालामनायाव हेफाजाब होयो। हायजेंखौ सरासनस्त्रायै चाहायाव होनानै लोंनाय जायो। नाथाय बांसिन मुलाम्फा मोननो लुबैयोब्ला चाहानि सोलायै बेनि बिखौ लोंनांगौ।

प्रभासनि ‘स्पिरिट’ सावथुनाव दिपिका पादुकणआ बाहागो लानाय नंला




कबिर सिंह आरो एनिमेल सावथुननि बिथोनगिरि सन्दिप रेडडि वांगया आथिखालाव गावनि फैनो गोनां गिदिर सावथुन ‘स्पिरिट’ खौ लानानै खौरांआव दं। बे सावथुनाव प्रभासआ गाहाइ फावआव नुजाथिगोन। बेयो मोनसे पेन-वार्ल्ड रिलिज जानाय सावथुन, जेराव प्रभासजों लोगोसे दिपिका पादुकणआबो गाहाइ फावआव नुजाथिगोन। मेटारनिटि लिभनि उनाव दिपिकानि

फैफिन्नायखौ लानानै अन्साइगिरिफोरा जोबोद गोजोन्नाय मोन्दों। अदेबानि दा जाय खौरांआ फैगासिनो दं बेयो थारैनो जोबोद गोमोथावना। बावैसो रिपर्टनि बायदिब्ला दिपिकाया बे सावथुनाव बाहागो लानाय नडा। गुल्ट आरो ग्रेटआन्ध्र डट कमजों लोगोसे खौरांनि बायदिब्ला, वांगया दिपिकाखौ गावनि डिमान्टफोरनि जाहोनाव एंख्लायदों। रिपर्टनि बायदिब्ला,

दिपिकाया बिथोनगिरिनि सिगाडाव सावथुन खालामनायखौ लानानै माखासे शर्त दोन्दोंमोन, जायनि जाहोनाव बिथांजों बिथोनगिरिजोंनि गेजेराव दान्थे-बिदान्थे जादोंमोन। उनाव बेयो गोबां बांलांनायनि उनाव बिथांखौ प्रडेक्त्रनिक्राय आउट खालामनो गोनां जादों, मानोना दिपिकाया बेफोर डिमान्सनि सायाव गंग्लायनो नाजायाखै मोन। मिबथिनो

फावखुंगुर चिरनजिभिनि सावथुननि फिसआ अमिताभ बच्चननिखुइ बांसिनमोन



सावथुनाव गाहाइ फावखुंगुर जानो थाखाय बयहाबो सिमां थायो, नाथाय बे सिमांआ माखासे सुबुंफोरसाल’ जाफुंसार जानो हादों। जुदि खाफालाव सुपास्टर जानाय लिरनाय दडब्ला बेखौ रावबो हमथानो हाया। बिब्दिनो सासे सुपास्टरजों लोगोसे जादों, जाय बलिउडआव आगान होदोंमोन, नाथाय बेवहाय सुपास्टरनि जायगाखौ आवग्रिनो हायाखैमोन। नाथाय बिथाडा साउथनि सावथुनाव गोबां मुं आरजिदों आरो अन्सायगिरिफोरनि गोसोआवबो जायगा लानो हादों। आथिखालाव बिथांनि नेटवार्थआ 1650 कौटि

रां। बे सुपास्टरआनो जादों मेगा स्टार चिरनजिभि। चिरनजिभिआ बलिउडआव खालि मोन्थाम सावथुनफोरावल’ खालामदों आरो बे मोन्थामबो सावथुनफोरा फ्लप जादों। बे सावथुनफोरानो जादों प्रतिबन्ध, आज का गुन्डराज आरो दा जेन्टेलमेन। 1990 माइथायाव चिरनजिभिआ माखासे हिट सावथुनफोर होदों आरो अमिताभ बच्चनजों बादायलायनायबो जादों। बै समाव बिथाडा बांसिन फिस लाग्रा फावखुंगुरफोरनि गेजेराव सासे जादों। चिरनजिभिआ 150 निखुइ सावथुनफोराव खामानि मावदों आरो गावनि समाइना पारफर्मैन्सनि थाखाय मोन 10 फिल्मफेयार आरो मोनब्रै नन्दि एवार्डसखौबो गावनि मुं खालामनो हादों। मिडिया रिपर्टसनि बायदिब्ला, चिरनजिभिआ 1990 माइथायाव साउथआव लान्त्रियै मोन 14 हिट सावथुनफोर होदों आरो सुपास्टर जादों। माखासे रिपर्टनि बादिब्ला बै समाव बिथांनि फिसआ अमिताभ बच्चननिखुइबो बांसिनमोन। ‘दा उडक’ मेगजिननि रिपर्टनि बादिब्ला, जेराव अमिताभ बच्चनआ मोनसे सावथुननि थाखाय 1 कौटि रां मोनोमोन, फारसेथं चिरनजिभिआ मोनसे सावथुनाव 1.25 कौटि रां मोनोमोन। बिथांनि नेटवार्थनि बाश्चा सावरायोब्ला, बिथांनि नेटवार्थआ 1650 कौटि रां, अदेबानि बिथांनि कनिडेला फेमिलिनि गासै सम्पतिआ 4000 कौटि रां होन्ना मिबथिनाय जायो।

सिन्दुरजों लोगोसे गुफुर गाबनि सारि गाब्नायजों एश्वर्या रायआ साफ्रोमखौबो गोमोहाब होदों

एश्वर्या राय बच्चननि कान्स फिल्म फेस्टिभेलनि रेड कार्पेटआव फैनायखौ अन्सायगिरिफोरा बोसोरफ्रोमबो नेनानै थायो। थानाय माखासे बोसोरनिक्राय एश्वर्या रायखौ गावनि फेशननि थाखाय टूल खालामनाय जादोंमोन, नाथाय बे खेबाव फावखुंग्रिआ 78थि कान्स फिल्म फेस्टिभेलआव दोहौ दिन्थिनायखौ लानानै बाख्यायगासिनो दड। थानाय 22 बोसोरनिक्राय कान्स फिल्म फेस्टिभेलजों लोब्बा थानाय एश्वर्या रायनि गिबि लुक एबा नुथाया गमामायैनो सोराडाव फैबाय, जेराव बिथांखौ भारतनि हारिमुखौ इन्टारनेशनेल जौसाडाव दिन्थिनाय नुनो मोन्दों। थानाय माखासे समनिक्रायनो एश्वर्या राय आरो अभिषेक बच्चननि गावस्त्रालायनायनि खौराडा सशेल मिडियाआव खौराडाव थादों। अभिषेक बच्चनआ मोनसे दिभर्सनि पस्टआव लाइक खालामनायनि फाय जागायदोंमोन। नाथाय आथिखालाव एश्वर्याआ दिभर्सनि खौरां बान्सावहोग्राफोरखौ गावनि लुकजों गोखों फिन्नाय होदों। 78थि कान्स फिल्म



फेस्टिभेलआव रेड कार्पेटआव नुजाथिफैफिन्नाय बारग’ मिस वर्ल्डआ मनिष मल्हत्रानि

डिजाइनार सारि गान्दों। क्लासिक व्हाइट हेन्डलमि आउटफिटआव समाइफ्लेनाय

एश्वर्या राय बच्चनआ नेम-खान्थिखौ फालिदों आरो रयाल्टीखौ मोन्दांथि होदों। बेजों

राजेश खान्नाया सासे अन्साइगिरिनो अन्थोब होनानै अन्साइगिरिनि जिउखौ सोलाय होदों

मोनसे समाव इन्डास्ट्रीआव राजेश खान्नानि स्टारडमआ टप एबा गोजौसिनाव दंमोन। 70 निक्राय 80 जौथाइयाव रावबो बिब्दि फावखुंगुर गैयामोन जानांगौ, जाय बिथां बायदि मुंदांखा जायाखैमोन जानांगौ। आइजो अन्साइगिरिफोरनि गेजेराव बिथांनि पपुलेरिटिआ ऐर्बायदि गोबांमोनदि, बिसोरो कारनि हाद्रिखौ गावसिनि खाफालाव



रां होदोंमोन आरो बिखौ दिल्लीनि चाणाक्युपुरियाव गंसे

रेस्टुरेन्ट खुलिनो थाखाय खावलायदोंमोन। अन्साइगिरिया

सलमान खाननि रियेलिटि स्व’ ‘बिग बस 19’ आ जागायनो थियारि

सलमान खानआ गावनि मुंदांखा रियेलिटि स्व’ ‘बिग बस 19’ जों लोगोसे फैफिन्नो थाखाय थियारि जाबाय। रिपर्टनि बायदिब्ला, स्व’आ जुलाइ दानाव अन एयार जागोन आरो फावखुंगुरआ जुननि जोबनायाव प्रम’नि थाखाय शुटि खालामगोन। बे खौरांआ कालार्स टिभि आरो स्व’नि प्रडाक्सन हाउस बनिजय एशियानि गेजेराव गाजि सोमोन्दो जानायनि खौरांनि गेजेराव फैदों। पिंकभिलानि बायदिब्ला, बिग बस सिजन 19 खौ जागायसिगोन आरो बेखौ दा एन्डेमल शाइन इन्डियाआव बानायनाय जागोन। फैगौ सिजनआव बै गासिबो ड्रामा, सेलेन्जफोर आरो इन्टारटेन्मेन्टखौ नुनो मोनगोन, जायखौ अन्साइगिरिफोरा मोजां मोनो। मिबथिनो मोन्नाय



बायदिब्ला सलमान खानआ हस्ट महरै फैफिनगोन। 59 बोसोर बैसोनि सलमान खानआ जुननि जोबनायसिमाव बिग बस 19 नि थाखाय गिबि प्रम’ शुट खालामनो थाखाय थियारि जाबाय। अदेबानि गोदान सिजननि प्रिमियारआ जुलाइ दाननि जोबनायाव जानो हागौ। बेनि अनगायै बिग बसआ डिजिटेल स्पेआवबो आगान होबाय, जायहा दासिमाव मोन्थाम अटिटि सिजना रिलिज जाखांबाय। गिबि सिजनखौ

लोगोसेनो बिथाडा दिबर्सनि खौरां गोसारहोनायखौ नंखाय फोरमान होनानै खाफालाव सिन्दुर फुन्दों। गुफुर गाबनि सारिजों लोगोसे बिथांनि गोजा गाबनि माला आरो आस्तामफोरा एश्वर्यानि लुकखौ जोबोद समाइहोदों। एश्वर्या रायनि बे समाइना लुकखौ नुनायनि उनाव इउजारफोरा गाव-गावखौनो फावखुंग्रिखौ बाख्यायनायखौ हमथानो हायाखै। फावखुंग्रिआ जेब्ला कान्सआव गावनि गिबि लुकनि सावगारिफोरखौ शेयार खालामदों, अब्ला कमेन्ट बक्सआव कमेन्टनि बाना जादों।

फावखुंगुर धनुषआ थाबहैनो आदिपुरुष सावथुननि बिथोनगिरिजों जयै खामानि मावगोन



भारतनि बारग’ हादतगिरि आरो मिसाइल मेन डू ए पि जे आब्दुल कालामनि जिउखौ लानानै कट सुबुंफोरखौ जोबोद इनस्पयार खालामो। बिथांनि जिउजि सोमोन्दै बांसिन सुबुंफोरा बिजाबफोरनि गेजेरजों मिबथियो, नाथाय बिसोरो दा बे हिर’नि सल’खौ गिदिर पर्दाआव नायनो थाखाय खाबु मोन्दों। भारतआव गोबाव समनिक्रायनो दाबि दिखांदोंमोनदि, डू ए पि जे आब्दुल कालामनि सायाव बायपिक बानायनांगौ, जायजों सुबुंफोरा थुलुंगा मोनो। बेनिखायनो सुबुंफोरनि बे हास्थायनायखौ आबुं खालामबाय। हादतयारि सावथुन बान्था देरहागिरि आरो साउथनि स्टार धनुषआ

थाबैनो आदिपुरुषनि डायरेक्टरजों लोगोसे लोगो नानानै बे सावथुननि सायाव खामानि मावगोन। धनुषआ बेसेबां मोजां फावखुंगुर, बे बाश्चाखौ बयबो ‘शन्झणा’ बायदि सावथुनफोरनिक्राय गोरलैयै हमदांनो हायो। दासिमाव माखासे फाव खालामखांनाय धनुषआ दासिमाव डू ए पि जे आब्दुल कालामनि बायपिक ‘कलाम दा मिसाइल मेन अफ इन्डिया’ आव बिथांनि बिफावखौ दिन्थिनो थाखाय थियारि जाबाय। जायखौ कान्स फिल्म फेस्टिभेलआव दिन्थिनाय जादों। धनुषआ गावनि अफिसियेल इन्स्टाग्रामआवबो बे पस्टखौ शेयार खालामदों आरो केप्सनाव लिरदोंदि, आंहा जोबोद ब्लेस्ड फिल जादों, मानोना आंहा जोंनि थुलुंगा होग्रा दैदेनगिरि डू ए पि जे आब्दुल कालामनि सल’खौ गिदिर पर्दाआव लाबोनायनि खाबु मोन्दों। बे प्रजेक्टखौ अम राउतआ बिथोनगिरि महरै सामलायगोन, जायनि लास्ट एबा जोबथा सावथुन आदिपुरुषआ मोनसे गिदिर फ्लप जानाय सावथुनमोन आरो बेनि थाखाय बिथाडा जोबोद सावराय जादोंमोनमोन। नाथाय बेनि गेजेराव बिथांनि मोजां सावथुनफोरखौ नुयै खालामोब्ला गोरोन्थि जागोन। बिथाडा ‘तान्हाजी दा आनसं वारियरनि थाखाय हादतयारि सिनार्यथि मोन्नो हादोंमोन।

